



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 62. Quædam Sacrarum Congregationum decisiones.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. modestia, religionis studio, animi candore, ac pietatis fervore, cunctos tam Ecclesiasticos quam Laicos ad sui imitationem incitabat: Demum Toletanus Archiepiscopus, Hispaniæ Primas, & supremus Castellæ Cancellarius, Regique a secretioribus consiliis nominatus, Toleti Mense Septembri expleto septuagesimo septimo ætatis anno vitam meritis plenam finivit.

§. LXII.

Quædam Sacrarum Congregationum decisiones.

*S. Congr.
Rit. Conc.
Episc. &c.*

Oriebatur quædam disceptatio inter Ravennatensem Archidiaconum, & Abbatem Ecclesiæ ad S. Vitalem, an hic vel Archidiaconus, aut alius Cathedralis Canonicus aspersorium Aquæ Iustralis Archiepiscopo Ravennateni præbere debeat, quando hic unicum Capitulo Metropolitano ad Pontificalia exercenda Ecclesiæ accedit. die igitur vigesima prima Martii Sacra Rituum Congregatio desuper consulta respondit, id Abbati competere, Archiepiscopo autem ejusdem festivitatis Vesperas non amplius celebrante, vel eidem non assistente, Baldachinum ejus deponatur, atque aliud pro Abbate celebraturo erigatur. Pariter sacra

Concillii Congregatio die vigesima se-
cunda Augusti declaravit, quod Epi-
scopus contra Clericos in comœdijs
prophanis recitantes pœnam excom-
municationis ferendæ sententiæ statuere
valeat. Die autem quinta Septembris
S. Congregatio Episcoporum & Regu-
larium reprobavit quorundam consue-
tudinem, qua quidam in Ecclesijs cer-
tas sedes & loca veluti propria & hæ-
reditaria sibi vendicabant.

Sæc. XVII.
A. C. 1665.

§. LXIII.

*Synodi Monasteriensis & Tornacen-
sis decreta.*

Quamvis Christophorus Bernardus de
Gallen Monasteriensis Episcopus
bellicis expeditionibus, aliisque Im-
perii negotiis plurimum distentus esset,
nihil tamen adeo non remisit ab Epi-
scopali vigilantia, quam suæ Ecclesiæ
debebat, ut etiam singulis ferme annis
aut Synodum celebraret, aut editis
epistolis Pastoralibus Clerum suum ad
sanctissimarum legum observantiam hor-
taretur: Eodem studio animatus hoc
item anno die decima septima Martii
habita Synodo Diæcesana priorum Sy-
nodorum decreta confirmavit, præce-
pitque Prælati ac Superioribus, ut in-
vigilent, ne Canonici vel Vicarii a Chero
absint,

*Concil.
Germ.*